



# Tusagassiorfinnut nalunaarut Pressemeddelelse

## Tegneseriap peqqissumik inooriaaseqarneq 11 – 16-inut ukiulinnut paasisutissiisutigaa

Paarisa'p tegneseria "Rekkus-ip oqimangenera" meeqqat atuarianni 6. – 11. klassini atuartunut tamanut nassiuteqqammerpaa. Tegneseria ulluinnarni inuunermi peqqissumik inooriaaseqarneq toqqaraanni tamatuma iluaqtissartaanik imaqartinneqarpoq.

Ilinniartitsisoq kina atuartunik, immaqa nerinikuunatik atuariartorsimanerminnik imaluunniit sukkoqarpallaartunik ullaakkorsiorsimanerminnik peqquteqartumik, qasusunik malinnaatikkuminaatsunillu naammattoorsinikuunngila. Immaqa aamma taakkorpiaat ullup ingerlanerani kingusinnerusukkut kioskimi qaninnermi nioqqutissat naleqanngitsumik kalorallit toqqassavaat.

Tegneseriami "Rikkus-ip oqimangenera"-ni ajornartorsiut tamanna qitiutinniarneqarpoq, ilaatigut "Nerisarissatut inassutit qulit" qungujunnartumik ingerlateqqinniarneqarlutik. Tegneseria 11-16-inut ukiulinnut naatsorsuussaavoq. Anguniarneqartut imeruusaatit aqutugalugit annertuumik sukunik atuisuuneri pillugit ilisimasat pigineqartut nassatarisaannik tegneseriami imeruusaatit sukullit qitiutinneqarput.

Tegneseria PAARISA'p Suhrs Husholdningsseminariamilu ilinniartut marluk suleqatigiinnerisigut pilersinneqartoq Nerisaqarnermut Siunnersuisoqatigiinnit suliamut tunngatigut Inerisaavimmiillu perorsaanermut tunngasutigut tunuliaquserneqarpoq.

Tegneseria anguniarneqartunut atuarnerisa nalaanni ilisaritinneqassaaq, taamaalillutik ataatsimoorlutik inuussutissat aqutugalugit namminneq massakkorpiaq iluarusunnerminnut ungasinnerusorlu eqqarsaatigalugu nappaatit inooriaatsimit pilersinneqartut pitsaaliorneqarsinnaanerisa assigiinngissinnaanerinek malugitinniarneqassammata.

Taamaalillutik aamma atuartut ilinniartitsisoq peqatigalugu akunnerminnilu soorlu kioskimi nerisassanik peqqinnartunik toqqaanani mamakujuttunik, sodavandinik chipsinillu toqqaanerup kingunerisinnaasai pillugit oqaloqatigiilernissamat periarfissinneqassapput.

Tegneseriamut ilanngullugu ilinniartitsisunut atortussiat, "Peqqissumik inooriaaseqarneq" pillugu sammisaqartitsinnermut atatillugu ilisimasat pillugit paasisassarsiorfittut isumassarsiorfittullu atugassiat, suliarineqarput.

16.01.2006

Postboks 1160  
3900 Nuuk  
Oq/tel +299 34 50 00  
Fax +299 32 55 05  
peqqip@gh.gl  
www.nanoq.gl/peqqik

Paarisap atortussiat ilinniartitsisut atuartullu akornanni tikilluaqquneqarluarnissaa, minnerunngitsumillu "Peqqjissumik inooriaaseqarneq" pillugu pissanganartumik ilikkagaqarfiusumillu oqallinnermut ilaatinneqarnissaa neriuutigaa.

Soqutiginnittut PAARISA-mut oqarasuaat (+299) 346677 atorlugu saaffiginninnikkut tegneseria piniarsinnaavaat.

*Paasissutissat annertunerusut PAARISA-mi siunnersortimut Anita Johansen-imut oqarasuaat (+299) 34 66 76 atorlugu saaffiginninnikkut pissarsiarineqarsinnaapput.*